



# TNB jalin kerjasama bangun rumah pintar

➔ Maevi, 3 anak syarikat meterai perjanjian sistem pengurusan tenaga

Oleh Alzahrin Alias  
zahrin@bh.com.my

**T**NB Energy Services, syarikat milik Tenaga Nasional Bhd, menerusi anak syarikatnya, Maevi Sdn Bhd, memeterai perjanjian persefahaman bersama tiga syarikat sebagai rakan strategik bagi sistem pengurusan tenaga dan projek rumah pintar.

Dalam perjanjian persefahaman itu, Maevi akan bekerja

sama dengan dua syarikat berkaitan hartanah, iaitu Protasco Bhd dan Tan & Tan Development Bhd, serta syarikat perunding perisian dan kejuruteraan, DGB Bhd.

## Bekal, pasang Maevi

Perjanjian persefahaman dengan Protasco bertujuan membekal dan memasang perkhidmatan rumah pintar Maevi untuk projek pembangunan perumahan, kata TNB dalam satu kenyataan di Kuala Lum-

pur, semalam.

Kerjasama dengan Tan & Tan Development ialah bagi menjalin kerjasama pintar dalam kecekapan pengurusan dan pemantauan aset IGB Bhd.

Tan & Tan Development ialah anak syarikat milik penuh IGB.

Perjanjian persefahaman dengan DGB pula membabitkan kerjasama bagi meneroka pasaran pengurusan tenaga melalui program pengedaran bersama, kata TNB.